



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Conciliorvm Omnivm Generalivm Et Provincialivm Collectio Regia**

Ab anno DLXXVII. ad annum DXC.

**Parisiis, 1644**

Epistola LXXVII. Gregorii Papae I. Ad Castorivm Notarivm Ravennae. Vt de  
legitimo vsu pallii quo archiepiscopus Rauennas vtebatur inquirat.

**urn:nbn:de:hbz:466:1-15221**

habere. Hortamur igitur fraternitatem tuam, ut si quidem talem potuerit reperire personam, quæ digna ad episcopalii officii apicem valeat promoueri, huc eam cum solennitate decreti vestrarumque testimonio literarum cele- rius dirigatis. Sin vero hoc nunc inueniri non potest, cum omni studio ac viuacitate personas exquirite, quæ illic in presbyterii ordine valeant consecrari. Quarum vitam actusque subtili prius inquisitione discutite, ut in nullo eis vel sacri Canones, vel ecclesiasticae regulæ valeant obuiare; ut hac prouisione populus illic degens communio- nem, quæ se priuatos ob sacerdotum necessitatem flebili- ter conqueruntur, recepisse se gaudeant, & in ecclesiis il- licis sacra Missarum solennia deesse non debeant. Sed & pro consignandis infantibus fraternitas tua illuc curet accede- re, ut nihil sit quod pastoralis solicitudinis neglecta vos cu- ra remordeat.

## EPISTOLA LXXVII,

GREGORII PAPÆ I.

AD CASTORIVM NOTARIVM RAVENNÆ

Vt de legitimo vsu pallii quo archiepiscopus Rauennas  
vtebatur, inquirat.

*Gregorius Castorio notario Rauennæ.*

Ioan. diac.  
lib. 4. c. 7.

**D**VM Florentinus Rauennatis ecclesiæ diaconus apud nos pro reuterendissimo fratre & coepiscopo nostro Mariniano de vsu pallii ageret, requisitus a nobis quæ es- set antiqua consuetudo, respondit quod in omnibus lita- niis pallio Rauennatis ecclesiæ episcopus vteretur. Quod ita non esse & ab aliis didicimus, & ex epistolis Ioannis quondam episcopi, quas ei ostendi fecimus, euidenter ap- paruit. Sed hoc asseruit quod dicere iussus est. Nam tem- pore quo a te idem Ioannes quondam episcopus est inhibitus, ne pallio inordinate ac temere vti præsumeret, scri- psit nobis hanc fuisse priscam consuetudinem, vt ciuitatis ipsius episcopus pallio in litaniis solennibus vteretur. Qua- rum tibi literarum exemplaria pro tua informatione trans- misimus. Adeodatus vero prædictæ ecclesiæ diaconus, dum apud nos tempore quo hic fuit similiter de eiusdem vsu pallii agere enixius studeret, volentes cognoscere ve-

ritatem, eum similiter quæ esset consuetudo curauimus requirendum. Qui vt credi sibimet suaderet, atque a nobis valeret quod petebat exigere, sub iureiurando testatus est antiquam consuetudinem fuisse, ut in quatuor aut in quinque solennibus litaniis pallio ciuitatis suæ episcopus vteretur. Experientia ergo tua diligenter inuigilet, & cum omni solicitudine quot litaniæ solennes ab antiquitate fuerint requirat. Nec eas solennes nominando requirere studeat, sed maiores, ut per hoc, quod nobis præfatus Adeodatus diaconus testatus est, & prædicti Ioannis episcopi fatetur epistola, dum constiterit quantæ litaniæ solennes fuerint, quotiens indui solebat in litaniis pallium cognoscentes, libentissime concedamus. Sed hoc non ab illis perquirat, qui ab ecclesiasticis exhibentur, sed ab aliis quos sine fauore partis esse cognouerit, & quæque solicita indagatione repererit nobis subtiliter indicet; ut veritate, sicut diximus, cognita, fratri coepiscopi nostri reuerendissimi Mariniani animos releuemus.

*Mense Julii, indictione secunda.*

EPISTOLA LXXVIII.

GREGORII PAPÆ I.

AD DONELLVM.

De eo quod anima amat amantem se.

*Gregorius Donello erogatori.*

IN nostra mente vestra magnitudo quantæ sit dulcedinis, ex vestra, ut suspicor, mente pensatis; quia, sicut scriptum est, Amat anima amantem se. In eo ergo quod me diligitis, vos quoque a me diligi scitis. Et quod prius illuc Castorio chartulario nostro veniente vobis minime scripsi, non torporis fuisse credite, sed & ægritudinis & occupationis. Nam nos & præsentes vos videre cupimus, & absentibus colloqui saltem per epistolam desideramus. Vnde & optamus ut vos beatus Petrus apostolorum princeps ad sua limina feliciter perducat; quatenus in omnipotentis Dei gratia perfaci præsentia vestra mereamur.